

**SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. 17, 3. juni 2015-imeersoq**

*Pilersitsineq aamma siunertaq*

§ 1. Naalakkersuisut aktiaatileqatigiiffik 100 mio. koruunit tungaannut aktiaatinik aningaasaateqartoq pilersissavaat.

*Imm. 2.* Ingerlatseqatigiiffik taaguuteqarpoq SIKUKI Nuuk Harbour A/S.

ingerlatseqatigiiffik allanik saniatigut taaguuteqartunik suliffeqarfimmik ingerlatsinnaavoq.

*Imm. 3.* Ingerlatseqatigiiffiup aktiaatinik aningaasaatai Naalakkersuisunit atsiorneqassapput aammalu Namminersorlutik Oqartussanit pigineqarlutik. Aktiaatinik aningaasaatit Nuummi umiarsualivik pioreersoq pigisatut aallarniutissatut akiliutigalugu kiisalu 70 mio. koruunit tikillugit aningaasannorlugit aningaasaatinut aallarniutissatut akiliutigalugit uppersarneqassapput.

*Imm. 4.* Ingerlatseqatigiiffiup siunertaraa niuernerminik tunngaveqartumik umiarsualivimmik Nuummi nunami sanaartugartaqartumi taassumunngalu assingusumik suliffeqarfittaqaqartumik sananissaq, piginnittuunissaq aamma ingerlatsinissaq.

*Imm. 5.* Tamatuma saniatigut siunertaavoq umiarsualiviup aningaasartuutitigut sunniuteqarluartumik ingerlanneqarnissaa taamaalillunilu Kalaallit Nunaannut, Kalaallit Nunaannit aamma Kalaallit Nunaata iluani sunniuteqarluartumik imaatigut assartuussisarnissap qulakkeerneqarnissaa.

*Siulersuisut aamma qullersaqarfik*

§ 2. Siulersuisut ataatsimoorlutik nalinginnaasumik inuussutissarsiornikkut aqutsisuuniknullu piginnaaneqartuussapput kiisalu umiarsualivimmik ingerlatsinerup iluani aqutsisuunikkut piginnaaneqassallutik kiisalu imaatigut assartuussinerminit allatigullu umiarsuit angallanneranni ilisimasaqassallutik.

*Imm. 2.* Inuk siulersuisuni ilaasortaasinnaangilaq pineqartoq:

- 1) Inatsisartuni imaluunniit Naalakkersuisuni ilaasortaaguni.
- 2) Akiliisinnaajunnaartutut imaluunniit akiliisarnerminik unitsitsisimasutut suliarineqaruni imaluunniit suliarineqarnialeruni.
- 3) Iliuseqarnermini pisuusimaguni, pineqartup siulersuisuni ilaasortaaginnarnissaanik piukkunnarunnaarsitsisumik.
- 4) Sivisuumik napparsimaneq imaluunniit allatut sanngiillisimaneq pissutigalugu siulersuisuni ilaasortatut sulisinnaajunnaartoq paasineqarpat, imaluunniit erseqqissumik naleqqutinngitsoq paasineqarpat.
- 5) Akileraartarnermut inatsisunik peqqarniinnerusumik unioqqutitsisimasutut imaluunniit Kalaallit Nunaanni pinerluttulerinnermut inatsimmi aningaasaqarnikkut pinerluttuliorneq pillugu aalajangersakkanik unioqqutitsisimasutut eqqartuussaasimaguni.

*Imm. 3.* Siulersuisuni ilaasortap imm. 2-imi tunngavissarititaasut siulersuisuni ilaasortaanissaminut naammassisimangippagit, siulersuisuni ilaasortap piaartumik

siulersuisut pissutsit pillugit ilisimatissavai aammalu piaartumik siulersuisunit anissalluni.

*Imm. 4.* Imm. 2 - 3 taamatuttaaq siulersuisunut ilaasortanut sinniisussanut atuupput.

§ 3. Siulersuisunut ilaasortap siulersuisuni ilaasortaanissamut § 2, imm. 2-imi tunngavissarititaasut naammassisimanngippagit imaluunniit siulersuisunut ilaasortaq allatigut siulersuisunit anisariaqalerpat, siulersuisut piffissap qinigaaffiusup sinneranut siulersuisunut sinniisussanik qinersinissaq siunertaralugu immikkut ittumik ataatsimeersuarnissamut aggersaassapput.

§ 4. Pisortatut taamaallaat atorfinitsinneqarsinnaavoq siulersuisut piginnaasaasa assinginiq ataatsimut isigalugu piginnaasaqartoq, takuuk § 2, imm. 1.

*Imm. 2.* Inuk § 2, imm. 2, nr. 1-5-imi pineqartunut ilaasoq pisortasinnaanngilaq.

#### *Sanaartukkat*

§ 5. SIKUKI Nuuk Harbour A/S Nuummi umiarsualivissap nutaap pilersaarusiorneqarnera sananeqarneralu isumagissavaa. Umiarsualivik nutaag Umiarsualiviup qeqertaanni sananeqassaaq.

*Imm. 2.* Umiarsualivik nutaag talittarfeqartillugu, umiarsualiviup iluani assartuussinermut aqqusineqartillugu aamma usinik uninngasuuteqarnissamut passussinissamullu nunaminertaqartillugu sananeqassaaq. Nuup umiarsualivianut nutaamut nunami sanaartugartaqartumut nunap assinga ilanngussaq 1-itut ilanngunneqarpoq. Nunap assinga ilanngussaq ilitersuussutaavoq. Annertussusaa, inissisimaffia aamma ilusilersorneqarnera inaarutaasumik pilersaarusiorneqarneranut sananeqarneranullu ilaatillugu allanngortinneqarsinnaapput.

§ 6. SIKUKI Nuuk Harbour A/S Nuummi umiarsualivimmi nutaami illuutiniq arlalinnik sanaartorsinnaavoq, ilanngullugit quersuaq, sullivik, allaffeqarfiit illutaat il.il. Illuutit umiarsualiviup ingerlanneqarneranut ilaatillugu attartortinneqarsinnaapput.

§ 7. Naalakkersuisut nuna tamakkerlugu pilersaarusiornermi soqutigisanik isumaginninnermut ilaatillugu, Nuummi umiarsualivimmik nutaamik sananermut atatillugu kommuniq sanaartorfigiuminarsaaneranut aningaasartuutit aammalu akilernissai pillugit isumaqatigiissuteqarsinnaapput.

*Imm. 2.* Aqqusermit aqqusersuutillu ingerlaarfissaannut nunap assinga ilanngussaq 2-itut ilanngunneqarpoq. Nunap assinga ilanngussaq ilitersuussutaavoq. Annertussusaa, inissisimaffia aamma ilusilersorneqarnera inaarutaasumik pilersaarusiorneqarneranut sananeqarneranullu ilaatillugu allanngortinneqarsinnaapput.

§ 8. Naalakkersuisut Nuummi umiarsualivimmik nutaamik nunami sanaartugartaqartumik aamma illuutitaqartumik sananermut aalajangersakkat erseqqinnerusut pilersaarusiornermi nuna tamakkerlugu malitassani akuerisinnaavaat.

*Imm. 2.* Naalackersuisut aalajangiisinnaapput, pilersaarusiornermi nuna tamakkerlugu malitassat, sumiiffiup ilaata Nuummi nutaamik umiarsualivimmik nunami sanaartugartaqartumik illuutitaqartumillu sananermut atorneqarnissaanut sukumiisunik aalajangersagartaqartoq, kommunimut pilersaarutitut inatsisitigut sunniuteqassasut.

*Pinngitsaaliissummik taarsiissutitalimmik pigisanik piginnikkunnaarsitsineq*

§ 9. Naalackersuisut pisariaqarpat pinngitsaaliissummik taarsiissutitalimmik pigisanik piginnikkunnaarsitsinikkut pigisanik aalaakkaasunik, sanaartornermik inatsimmi matumani pineqartumik piviusunngortitsinissamut pisariaqartunik, piginnilersinnaapput. Pinngitsaaliissummik taarsiissutitalimmik pigisanik piginnikkunnaarsitsineq, pinngitsaaliissummik taarsiissutitalimmik pigisanik piginnikkunnaarsitsisarneq pillugu Inatsisartut inatsisaanni maleruagassat malillugit pissaaq.

*Aningasalersuineq*

§ 10. SIKUKI Nuuk Harbour A/S Nuummi umiarsualivimmik nutaamik sananissamut pilersaarusiornerep sananerullu aammalu umiarsualivimmi illuutinik arlalinnik sananerup, aningaasalersorneqarnissaannut taarsigassarsisinnaavoq. Ataatsimeersuarnermi ingerlatseqatigiiffiup taarsigassarsinissaa akuersissuteqarfigineqassaaq.

§ 11. Allakkiat uppernarsaatit, taarsigassarsinermut uppernarsaatit, pappialanngortitat aamma uppernarsaatit atsiukkat il.il. sanaartornermut inatsimmi matumani pineqartumut atatillugu suliarineqartut, pisortanut naqissusiinermut akitsuusiinikkut akileraaruserneqassanngillat.

*Inatsisinik toqqaaneq aamma eqqartuussivimmi suliat sumi suliarineqartarnissaat*

§ 12. Ingerlatseqatigiiffinnik eqqartuussivimmi suliaakkiissuteqarneq, nunani tamalaani isumaqatigiissutit malillugit imaluunniit ingerlatseqatigiiffiup pilersuisuminut imaluunniit kiffartuussissutinut isumaqatigiissutai malillugit allatut pisoqartussaasimangippat, taamaallaat Kalaallit Nunaanni Eqqartuussivinni siullertut suliarinnittussatut suliaakkiissuteqarfigineqarsinnaavoq.

*Imm. 2.* Ingerlatseqatigiiffiup suliaqarneranut tunngatillugu piumasaqaateqarneq pillugu, ilanngullugit suleqataasunut nunami maani imaluunniit nunani allani angerlarsimaffeqartunut inuinnaat piumasaqaataat, eqqartuussivimmi suliat, nunani tamalaani isumaqatigiissutit malillugit imaluunniit ingerlatseqatigiiffiup pilersuisuminut imaluunniit kiffartuussissutinut isumaqatigiissutai malillugit allatut pisoqartussaasimangippat, ingerlatseqatigiiffimmit Kalaallit Nunaanni Eqqartuussivinni siullertut suliarinnittussamut, suliaakkiissuteqarfigineqarsinnaavoq.

*Imm. 3.* Imm. 1 aamma 2 malillugit suliat, nunani tamalaani isumaqatigiissutit malillugit

allatut pisoqartussaasimangippat, Kalaallit Nunaanni inatsisit malillugit aalajangiiffigineqassapput.

*Atuutilerpera*

§ 13. Inatsisartut inatsisaat nalunaarutigineqarneratigut atuutilissaaq. Taamaattoq § 11 ulloq 23. december 2013 aallarnerfigalugu atuutilerpoq.

*Namminersorlutik Oqartussat, ulloq 3. Juni 2015*



Kim Kielsen